

1941



საქართველოს საბჭოთა სოციალისტური რესპუბლიკის
მთავროვის

დადგენილებათა და განკარგულებათა კრებული

1941 წ. თებერვლის 15

№ 6

თბილისი

შ ი ნ ა ა რ ს ი

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი

- 27. საქართველოს სსრ კოლმეურნეობებში 1941 წლისათვის საწარმოო გეგმებისა და შემოსავალ-გასავლის ხარჯთაღრიცხვების შედგენის ღონისძიებათა შესახებ.
- 28. საკოლმეურნეო განუყოფელი ფონდების მდგომარეობის შემოწმების მიმდინარეობის შესახებ.

სახალხო კომისართა საბჭოს დადგენილებანი

- 29. საქართველოს სსრ სახალხო კომისართა საბჭოსთან არსებული ნაკრძალების, ზოოპარკებისა და ზოობაღების სამმართველოს უფროსად პროფესორ ნ. ნ. კეცხოველის დანიშვნის შესახებ.
- 30. „მუშებისა და მოსამსახურეებისათვის უფასოდ დასარიგებლად საწარმოებსა და დაწესებულებებისათვის ჟურნალ-გაზეთების გამოწერის აკრძალვის თაობაზე“ სსრ კავშირის სახკომსაბჭოს 1937 წ. 25 დეკემბრის და საქართველოს სსრ სახკომსაბჭოს 1938 წ. 2 იანვრის დადგენილებათა შესრულების შესახებ.
- 31. საქართველოს სსრ სახალხო კომისართა საბჭოსთან ნაკრძალების, ზოოპარკებისა და ზოობაღების სამმართველოს მოწყობის შესახებ.
- 32. ანხ. ბ. ჩხეიძის საქართველოს სსრ ფინანსთა სახალხო კომისარის მოადგილედ დანიშვნის შესახებ.
- 33. საქართველოს სსრ განათლების სახალხო კომისარიატის კოლეგიის შემადგენლობის შესახებ.
- 34. საქართველოს სსრ ადგილობრივი მრეწველობის სახალხო კომისარიატის კოლეგიის შემადგენლობის შესახებ.



სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი

27. საქართველოს სსრ კოლმეურნეობებში 1941 წლისათვის საწარმოო გეგმებისა და შემოსავალ-გასავლის ხარჯთაღრიცხვების შედგენის ღონისძიებათა შესახებ.

საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი აღნიშნავენ: მიუხედავად იმისა, რომ საწარმოო გეგმებსა და შემოსავალ-გასავლის ხარჯთაღრიცხვებს დიდი მნიშვნელობა აქვს კოლმეურნეობათა საზოგადოებრივი მეურნეობის შემდგომი განვითარებისა და კოლმეურნეობათა და კოლმეურნეთა შემოსავლიანობის ზრდის საქმეში, — მთელ რიგ რაიონებში პარტიის რაიკომები, რაილმასკომები, აგრეთვე სამიწათმოქმედო ორგანოები საკმაო ყურადღებას არ აქცევენ საწარმოო გეგმებისა და შემოსავალ-გასავლის ხარჯთაღრიცხვების დროულად და ხარისხოვნად შედგენას კოლმეურნეობებში, რის გამოც კოლმეურნეობათა 1940 წელს შედგენილ საწარმოო გეგმებში სერიოზული ნაკლოვანებანია დაშვებული.

ხშირია შემთხვევები, როდესაც შედგენილი საწარმოო გეგმები არ ეთანხმება მოცემული კოლმეურნეობისათვის დაწესებულ სახელმწიფო დავალებებს. ასე, მაგალითად, თბილისის რაიონის სოფელ დიღმის სტალინის სახელობის კოლმეურნეობისათვის დასილოსების სახელმწიფო დავალება დაწესებული იყო 100 ტონის რაოდენობით, მაგრამ, მიუხედავად ამისა, კოლმეურნეობამ თავის გეგმაში გაითვალისწინა მხოლოდ 80 ტონის დასილოსება, კოლმეურნეობას სრულიად არ გაუთვალისწინებია თავის გეგმაში თუთის 2.700 ნერგის გაშენების სახელმწიფო დავალება და 20 ჰექტარი ახალი ფართობის ათვისება.

ბორჩალოს რაიონის სოფ. სარვანის სტალინის სახელობის კოლმეურნეობამ 2,100 ტონა ნაკელის გატანის სახელმწიფო დავალება 870 ტონამდე შეამცირა. კოლმეურნეობისათვის დაგეგმილი 1350 ბატკნის გამოზრდის ნაცვლად, კოლმეურნეობამ გაითვალისწინა 1.200 ბატკნის გამოზრდა.

ცალკეულ კოლმეურნეობებში საწარმოო გეგმები არ ეთანხმება კოლმეურნეობათა მიერ მტს-ებთან დადებულ ხელშეკრულებებს, სატრაქტორო სამუშაოთა შესრულების შესახებ.

ასე, მაგალითად, III ინტერნაციონალის სახელობის კოლმეურნეობის მიერ ბორჩალოს მტს-თან დადებული ხელშეკრულება ითვალისწინებს პლანტაჟის გაშენებას 8 ჰექტარ ფართობზე, კოლმეურნეობის საწარმოო გეგმით კი გათვალისწინებულია 5 ჰექტარი; ხელშეკრულებით გათვალისწინებულია 57 ჰექტარი თავთავიანი კულტურების ნათესების აღება კომბაინით, კოლმეურნეობის საწარმოო გეგმა კი ითვალისწინებს 50 ჰექტარის აღებას. კოლმეურნეობასა და მტს-ის შორის დადებული ხელშეკრულებით გათვალისწინებული საგაზაფხულო ხგნა 10 ჰექტარ ფართობზე, 35 ჰექტარის გადახგნა და 20 ჰექტარი საშემოდგომო

კულტურების თესვა სრულიად არ არის შეტანილი კოლმეურნეობის საწარმოო გეგმაში.

საწარმოო გეგმებისა და შემოსავალ-გასავლის ხარჯთაღრიცხვების შედგენა და კოლმეურნეთა საერთო კრებებზე განხილვა და დამტკიცება მთელ რიგ შემთხვევებში ფორმალურად ხდება. კოლმეურნეობათა უმრავლესობაში მთელი წლის მანძილზე არ ამოწმებენ და კოლმეურნეთა საერთო კრებას მოხსენებას არ უკეთებენ თუ როგორ მიმდინარეობს საწარმოო გეგმისა და შემოსავალ-გასავლის ხარჯთაღრიცხვების შესრულება. ზოგიერთ შემთხვევაში კოლმეურნეობათა გამგეობებს თვითონ შეაქვთ შემდგომი ცვლილებანი გეგმებსა და შემოსავალ-გასავლის ხარჯთაღრიცხვებში ისე, რომ ამას კოლმეურნეთა საერთო კრებებს არ ატყობინებენ, მთელ რიგ შემთხვევებში კი საჭირო ცვლილებანი სრულიადაც არ შეაქვთ.

საწარმოო გეგმების შედგენის დროს საკმაოდ არ არის გათვალისწინებული იმ მოწინავე კოლმეურნეობების, საკოლმეურნეო ბრიგადების, რგოლებისა და მოწინავე კოლმეურნეთა მიღწევები და მუშაობის გამოცდილება, რომლებიც სასოფლო-სამეურნეო კულტურების მაღალ მოსავალს და მეცხოველეობის დიდ პროდუქტიულობას იღებენ. ამის შედეგად კოლმეურნეობათა არსებული უდიდესი შესაძლებლობანი მეტწილად გამოუყენებელი რჩება.

მთელ რიგ კოლმეურნეობებში შემოღებული არ არის საწარმოო-საგეგმო დავალებათა შედგენა ბრიგადებისათვის, ხოლო რგოლებისათვის საწარმოო დავალებებს სრულიად არ ადგენდნენ. საწარმოო გეგმების შედგენის პარალელურად არ სწარმოებს სასოფლო-სამეურნეო სამუშაოების გამომუშავების ნორმებისა და შეფასებათა დაზუსტება და დამტკიცება ბრიგადების და რგოლების დაკომპლექტება ცალკეული ბრიგადებისა და რგოლების სამუშაოთა მოცულობის გაუთვალისწინებლად ხდება. საკოლმეურნეო წარმოების ასეთი დაგეგმის შედეგად ადგილი აქვს ბრიგადების არასრულად დატვირთვას, კოლმეურნეთა ნაწილს სრულიადაც არ ანაწილებენ ბრიგადების მიხედვით, არამედ „რეზერვად“ „არასაგეგმო მუშა-ხელად“ იტოვებენ.

ანალოგიურ ფაქტებს ადგილი აქვს მახარაძის, სამტრედიის, წყალტუბოს, თელავის, გურჯაანის და სხვ. რაიონების მთელ რიგ კოლმეურნეობებშიც.

საკოლმეურნეო წარმოების დაგეგმის საქმეში არსებულ ამ ნაკლოვანებათა ერთერთ მიზეზს წარმოადგენს აგრონომთა, ზოოტექნიკოსთა და სოფლის მეურნეობის სხვა სპეციალისტთა სრულიად არასაკმაოდ გამოყენება კოლმეურნეობათა საწარმოო გეგმებისა და შემოსავალ-გასავლის ხარჯთაღრიცხვების შედგენის საქმეში.

შიდასაკოლმეურნეო წარმოების დაგეგმვის საქმის რადიკალურად გაუმჯობესებისა და როგორც საწარმოო გეგმების, ისე შემოსავალ-გასავლის ხარჯთაღრიცხვების დროულად და ხარისხოვნად შედგენის უზრუნველყოფის მიზნით, საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. წინადადება მიეცეს საქ. კ. პ. (ბ) საოლქო კომიტეტებსა და რაიკომებს აფხაზეთის და აჭარის ასსრ სახკომსაბჭოებს. მშრომელთა დეპუტატების სამხრეთ-ოსეთის ავტონომიური ოლქის საბჭოს აღმასრულებელ კომიტეტს და მშრომელთა დეპუტატების რაიონული საბჭოების აღმასრულებელ კომიტეტებს:

ა) დაუყოვნებლივ მოაწყონ მუშაობა კოლმეურნეობებში საწარმოო გეგმებისა და შემოსავალ-გასავლის ხარჯთაღრიცხვების შესადგენად იმ ანგარიშით, რომ მათი შედგენა და კოლმეურნეთა საერთო კრებებზე განხილვა და დამტკიცება დამთავრდეს 1941 წ. 15 თებერვლამდე;

ბ) კოლმეურნეობებში საწარმოო გეგმებისა და შემოსავალ-გასავლის ხარჯთაღრიცხვების შედგენის პერიოდისათვის მიამაგრონ კოლმეურნეობათა ჯგუფებს დახმარების გასაწევად საანგარიშო დარგის მუშაკები და სოფლის მეურნეობის ყველა სპეციალისტი.

დაწესდეს, რომ კოლმეურნეობებზე მიმავრებულ სოფლის მეურნეობის სპეციალისტებს (აგრონომები, ზოტექნიკოსები) და საანგარიშო დარგის მუშაკებს, კოლმეურნეობათა გამგეობების თანაბრად, ეკისრებათ პერსონალური პასუხისმგებლობა კოლმეურნეობათა საწარმოო გეგმების და შემოსავალ-გასავლის ხარჯთაღრიცხვების სწორად და დროულად შედგენისათვის;

გ) უზრუნველყონ ყველა კოლმეურნეობაში საწარმოო გეგმებისა და შემოსავალ-გასავლის ხარჯთაღრიცხვების გულმოდგინედ განხილვა კოლმეურნეთა საერთო კრებებზე. კოლმეურნეთა საერთო კრებებზე ამ საკითხის განხილვისას უზრუნველყონ, სოფლის მეურნეობის სპეციალისტების გარდა, აგრეთვე რაიონის ერთერთი პასუხისმგებელი მუშაკის (საქ. კ. პ. (ბ) რაიკომების მდიონები, რაიკომების თავმჯდომარეები, რაიკომებისა და რაიკომების განყოფილებათა გამგეები, მტს-ების დირექტორები და სხვ.) დასწრება;

დ) 1941 წ. 1 მარტამდე დაამთავრონ ყველა კოლმეურნეობის საწარმოო გეგმებისა და შემოსავალ-გასავლის ხარჯთაღრიცხვების განხილვა მშრომელთა დეპუტატების რაიონულ საბჭოების აღმასრულებელ კომიტეტების სხდომებზე, ამასთან განსაკუთრებული ყურადღება მიექციონ იმას, რომ საწარმოო გეგმები შეესაბამებოდეს მოცემული კოლმეურნეობისათვის დაწესებულ სახელმწიფო დავალებებს და შემოსავალ-გასავლის ხარჯთაღრიცხვები — სასოფლო-სამეურნეო არტელის წესდებას (კოლმეურნეობათა განუყოფელი და სხვა ფონდების შექმნა, აღმინისტრაციულ-სამმართველო ხარჯების ნორმების დაცვა და სხვ.).

2. დავეალოს მშრომელთა დეპუტატების რაიონული საბჭოების აღმასრულებელი კომიტეტების ყველა სამიწათმოქმედო განყოფილების გამგეებს, მტს-ების დირექტორებს და კოლმეურნეობათა გამგეობების თავმჯდომარეებს:

ა) საწარმოო გეგმებისა და შემოსავალ-გასავლის ხარჯთაღრიცხვების შედგენის დროს გაითვალისწინონ კოლმეურნეობათა მთელი შესაძლებლობანი შემოსავლიანობის გადიდების საქმეში და გაითვალისწინონ გეგმებით იმ აგრო-ზოტექნიკურ ღონისძიებათა სავალდებულო გატარება, რომლებიც უზრუნველ-

პყოფენ სასოფლო-სამეურნეო კულტურების მოსავლიანობის გადიდებას, ხოვლეობის პროდუქტიულობის ზრდას;

ბ) შეიმუშაონ სასოფლო-სამეურნეო სამუშაოთა გამომუშავების ნორმები და შეფასებანი, რაც განსახილველად და დასამტკიცებლად წარუდგინონ კოლმეურნეთა საერთო კრებებს;

გ) დააწესონ საწარმოო გეგმები-დავალებანი ყველა ბრიგადისა და რგოლისათვის;

დ) სწორად დააკომპლექტონ ბრიგადები და რგოლები, არავითარ შემთხვევაში არ დაუშვან კოლმეურნეთა ნაწილის დატოვება ბრიგადებისა და რგოლების გარეშე ან მათი დაუტვირთველობა საკოლმეურნეო წარმოებაში. მიამაგრონ ბრიგადებსა და რგოლებს განსახლდრული ნაკვეთები, საწარმოო ინვენტარი და პირუტყვი. ნაკვეთების, საწარმოო ინვენტარისა და პირუტყვის მიმავრება გააფორმონ სათანადო აქტებით.

3. დაევალოს კოლმეურნეობათა გამგეობებს:

ა) ყოველგვარი ცვლილები კოლმეურნეობათა საწარმოო გეგმებსა და შემოსავალ-გასავლის ხარჯთაღრიცხვებში წლის მანძილზე შეიტანონ მხოლოდ კოლმეურნეთა საერთო კრებების გადაწყვეტილებით და შშრომელთა დეპუტატების რაიონული საბჭოების აღმასრულებელა კომიტეტების თანხმობით;

ბ) კვარტალში ერთხელ მაინც ჩააბარონ ანგარიში კოლმეურნეთა საერთო კრებებს წლიური საწარმოო გეგმისა და შემოსავალ-გასავლის ხარჯთაღრიცხვის როგორც რიცხვობრივად, ისე ხარისხობრივად შესრულების მიმდინარეობის შესახებ, ამასთან უზრუნველყონ საწარმოო გეგმისა და ხარჯთაღრიცხვების სავალდებულო წინასწარი შემოწმება კოლმეურნეობათა სარევიზიო კომისიების მიერ. კოლმეურნეთა საერთო კრებებზე მოსმენილ იქნას აგრეთვე სარევიზიო კომისიების თანამოხსენებანი.

4. დაევალოს საქართველოს სსრ მიწათმოქმედების სახალხო კომისარიატს:

ა) მოაწყოს კოლმეურნეობათა საწარმოო გეგმებისა და შემოსავალ-გასავლის ხარჯთაღრიცხვების შედგენის მუშაობის მიმდინარეობის სისტემატური შემოწმება და კონკრეტული დახმარება გაუწიოს რაიონებს ამ საქმეში;

ბ) დაადგინოს კოლმეურნეობათა საწარმოო გეგმებისა და შემოსავალ-გასავლის ხარჯთაღრიცხვების შემოწმების წესი იმ ანგარიშით, რომ გეგმებისა და ხარჯთაღრიცხვების განხილვა და სათანადო დასკვნების მიცემა დამთავრდეს 1941 წ. 1 აპრილამდე;

გ) დაამთავროს ყველა კულტურის არსებული აგროწესების გადასინჯვა, საჭირო ცვლილებისა და დამატებების შეტანა აგროწესებში და 1941 წ. პირველ თებერვლამდე დაიყვანოს ეს აგროწესები რაიონებამდე და კოლმეურნეობებამდე.

საქართველოს სსრ სახალხო კომისართა საბჭო და საქ. კ. პ.(ბ) ცენტრალური კომიტეტი რაიონული პარტიული, საბჭოთა და სამიწათმოქმედო ორგანოებისაგან მოითხოვენ კოლმეურნეობათა საწარმოო გეგმებისა და შემოსავალ-გასავლის

ხარჯთაღრიცხვების შედგენის ხაზით წარმოებული მუშაობის ისე მოწოდებას, რომ ამ საქმეში ჩაბმულ იქნან კოლმეურნეთა ფართო მასები.

კოლმეურნეობებში შრომის უკეთესი ორგანიზაციის, შრომის დისციპლინის განმტკიცებისა და სოციალისტური შეჯიბრების ფართოდ გაშლის საფუძველზე, მიღწიონ მთელი სასოფლო-სამეურნეო კულტურების მოსავლიანობის შემდგომ გადიდებას, მეცხოველეობის პროდუქტიულობის ზრდას და ცალკე თვითეული კოლმეურნეობის მიერ სახელმწიფოს წინაშე თავის ვალდებულებათა უცალობლივ შესრულებას.

საქ. სსრ ს.კ.ს-ის

თავმჯდომარე ვ. ბაქრაძე.

საქ. კ. პ. (ბ) ც.კ-ის

მდივანი კ. ჩარკვიანი.

1941 წ. იანვრის 10 № 50.

თბილისი.

28. საკოლმეურნეო განუყოფელი ფონდების მდგომარეობის შემოწმების მიმდინარეობის შესახებ.

საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი აღნიშნავენ, რომ საკოლმეურნეო განუყოფელი ფონდების მდგომარეობის შემოწმება მთელ რიგ რაიონებში სრულიად არაადაამკაყოფილებლად მიმდინარეობს.

საქართველოს სსრ მიწათმოქმედების სახალხო კომისარიატის მიერ ჩატარებული შემოწმებით გამოირკვა, რომ ჩხარის რაიონში 1941 წ. 10 იანვრისათვისაც არ იყო გამოყოფილი საკოლმეურნეო განუყოფელი ფონდების შემოწმებელი რაიონული კომისიები, ხოლო ჩოხატაურის რაიონში 1940 წლის 21 დეკემბერს გამოყოფილი კომისიები 1941 წ. 12 იანვრამდე მუშაობას არ შესდგომიან.

თელავისა და მაიაკოვსკის რაიონებში, საკოლმეურნეო განუყოფელი ფონდების მდგომარეობის შემოწმების არაადაამკაყოფილებელ მიმდინარეობასთან ერთად, სრულიად არ არის მოწყობილი მუშაობა იმისათვის, რომ მშრომელთა დებუტატების რაიონული საბჭოების აღმასრულებელ კომიტეტებმა განიხილონ შემოწმების აქტები.

თელავის რაიონში 131 კოლმეურნეობიდან განუყოფელი ფონდების შემოწმება ჩატარებულია 37 კოლმეურნეობაში, მაგრამ აქტები ჯერ კიდევ არ განუხილავს და არ დაუმტკიცებია მშრომელთა დებუტატების რაიონული საბჭოს აღმასრულებელ კომიტეტს; მაიაკოვსკის რაიონში 37 კოლმეურნეობიდან განუყოფელი ფონდი შემოწმებულია 17 კოლმეურნეობაში, მაგრამ მშრომელთა დებუტატების რაიონული საბჭოს აღმასრულებელ კომიტეტს არცერთი აქტი არ დაუმტკიცებია.

თელავის რაიონში სწორად ვერ გაიგეს სსრ კავშირის სახალხო საბჭოს და საქ. კ. პ. (ბ) ცენტრალური კომიტეტის დადგენილება განუყოფელი ფონდების მდგომარეობის შემოწმების შესახებ, რის შედეგადაც რაიონული კომისიები, ამოწმებენ რა განუყოფელი ფონდების შესავსებად ფულადი სახსრების ანარიცხების გამოყენებას, არ ამოწმებენ განუყოფელი საკოლმეურნეო ფონდის შექმნის ყოველგვარი წყაროს მდგომარეობას.

საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. წინადადება მიეცეს ჩხარის, ჩოხატაურის, თელავის და მიაიკოვსკის რაიონების მშრომელთა დეპუტატების რაიონული საბჭოების აღმასრულებელ კომიტეტების თავმჯდომარეებს და საქ. კ. პ. (ბ) რაიონული კომიტეტების მდივნებს დაუყოვნებლივ აღმოფხვრან ზემოთაღნიშნული ნაკლოვანებანი და მოაწყონ საკოლმეურნეო განუყოფელი ფონდების შემოწმებელი ყველა რაიონული კომისიის მუშაობა იმ ანგარიშით, რომ დამთავრდეს იგი დაწესებულ ვადაში.

2. განემარტოს საქ. კ. პ. (ბ) თელავის რაიონის რაიონული კომიტეტის მდივანს და მშრომელთა დეპუტატების რაიონული საბჭოს აღმასრულებელ კომიტეტის თავმჯდომარეს, რომ შემოწმებულ უნდა იქნას კოლმეურნეობის განუყოფელი ფონდის ყოველგვარი წყარო-ფულადი სახსრების ანარიცხები განუყოფელი ფონდის შესავსებათ, წვერთა მიერ განსაზოვადობებული ქონების ღირებულება, საკოლმეურნეო პირუტყვის ნამატისა და ზრდის ღირებულება, მშენებლობისა და მრავალწლოვანი ნარგავების გაშენების დაგროვებანი, უსასყიდლოდ მიღებული ქონების ღირებულება, მთავრობის გადაწყვეტილებით ჩამოწერილ სესხთა დანარიცხები და გრძელვადიანი საწარმოო კრედიტები, რაც დაბანდებულია კოლმეურნეობათა ძირითად საწარმოო საშუალებებში.

3. წინადადება მიეცეს აფხაზეთის და აჭარის ასსრ სახალხო კომისართა საბჭოების თავმჯდომარეებს, სამხრეთ-ოსეთის ავტონომიური ოლქის აღმასკომის თავმჯდომარეს, მშრომელთა დეპუტატების რაიონული საბჭოების აღმასკომების თავმჯდომარეებს; საქ. კ. პ. (ბ) საოლქო და სარაიონო კომიტეტების მდივნებს განიხილონ საკოლმეურნეო განუყოფელი ფონდების შემოწმების მიმდინარეობა და დასახონ ღონისძიებანი, რომლებიც უზრუნველყოფენ მუშაობის დამთავრებას დაწესებულ ვადისათვის.

საქ. სსრ ს. კ. ს-ოს

თავმჯდომარე ვ. ბაქრაძე.

საქ. კ. პ. (ბ) ც.კ-ის

მდივანი კ. ჩარკვიანი.

1941 წ. იანვრის 24. № 111.

თბილისი.

სახალხო კომისართა საბჭოს დადგენილებანი

29. საქართველოს სსრ სახალხო კომისართა საბჭოსთან არსებული ნაკრძალების, ზოოპარკებისა და ზოობაღების სამმართველოს უფროსად პროფესორ ნ. ნ. კეცხოველის დანიშვნის შესახებ.

საქართველოს სსრ სახალხო კომისართა საბჭო აღდგენს:

დაინიშნოს პროფესორი ნიკოლოზ ნიკოლოზის-ძე კეცხოველი საქართველოს სსრ სახალხო კომისართა საბჭოსთან არსებულ ნაკრძალების, ზოოპარკებისა და ზოობაღების სამმართველოს უფროსად საქართველოს ამხ. ლ. პ. ბერიას სახელობის სასოფლო-სამეურნეო ინსტიტუტში მუშაობის შეთავსებით.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. იანვრის 11. № 42.
თბილისი.

30. „მუშებისა და მოსამსახურეებისათვის უფასოდ დასარიგებლად საწარმოებსა და დაწესებულებებისათვის ჟურნალ-გაზეთების გამოწერის აკრძალვის თაობაზე“ სსრ კავშირის სახკომსაბჭოს 1937 წ. 25 დეკემბრის და საქართველოს სსრ სახკომსაბჭოს 1938 წ. 2 იანვრის დადგენილებათა შესრულების შესახებ.

საქართველოს სსრ სახელმწიფო კონტროლის სახალხო კომისარიატის მიერ ჩატარებული შემოწმებით გამოირკვა, რომ საქართველოს სსრ მთელ რიგ სახალხო კომისარიატებსა, საწარმოებსა და დაწესებულებებში არ სრულდება სსრ კავშირის სახალხო კომისართა საბჭოს 1937 წლის 25 დეკემბრის (კან. კრ. 1938 წ. № 1, მუხ. 5) და საქართველოს სსრ სახკომსაბჭოს 1938 წ. 2 იანვრის (საქ. სსრ კან. კრ. 1938 წ. № 1, მუხ. 5) დადგენილებანი მუშებისა და მოსამსახურეებისათვის უფასოდ დასარიგებლად „საწარმოებსა და დაწესებულებებისათვის ჟურნალ-გაზეთების გამოწერის აკრძალვის შესახებ“.

სახალხო კომისარიატების, საწარმოთა და დაწესებულებათა ზოგიერთი ხელმძღვანელი, იწერს რა პერიოდულ ლიტერატურას, მის მნიშვნელოვან რაოდენობას უფასოდ ურიგებს თავისი საწარმოსა და დაწესებულების მუშებსა და მოსამსახურეებს.

საქართველოს სსრ სოციალური უზრუნველყოფის სახალხო კომისარიატში 1940 წელს გამოწერილი იყო 48 ცალი გაზეთი და ჟურნალი, ამ რაოდენობიდან 46 ცალს უფასოდ არიგებდნენ. ამ სახალხო კომისარიატის საქმეთა მმართველი უფასოდ ღებულობდა 12 სხვადასხვა გაზეთსა და ჟურნალს.

საქართველოს სსრ მიწათმოქმედების სახალხო კომისარიატი 1940 წელს გამოწერილი 151 ცალი გაზეთი და ჟურნალიდან, უფასოდ ურიგებდა სახალხო

კომისარიატის მუშაკებს 150 ცალ გაზეთსა და ჟურნალს. ამ სახალხო კომისარიატის საქმეთა მმართველი იღებდა 7 გაზეთსა და ჟურნალს, მათ შორის ჟურნალ „საბჭოთა ხელოვნებას“ და „სოციალურ უზრუნველყოფას“.

საქართველოს სსრ ფინანსთა სახალხო კომისარიატში 1940 წელს გამოწერილი 158 ცალი გაზეთიდან და ჟურნალიდან, მუშაკებს უფასოდ ურიგებდნენ 96 გაზეთსა და ჟურნალს. ამ სახალხო კომისარიატის მთავარი ბუხჰალტერი მთელი წლის განმავლობაში უფასოდ იღებდა გაზეთ „ზარია ვოსტოკა“-სა და „კომუნისტს“.

საქართველოს სსრ ვაჭრობის სახალხო კომისარიატში 1940 წელს გამოწერილ ყველა 30 ცალ გაზეთსა და ჟურნალს უფასოდ ურიგებდნენ სახალხო კომისარიატის მუშაკებს. სახალხო კომისარიატის კანცელარიის გამგე, კონსულტანტები და საგვემო განყოფილების უფროსი უფასოდ იღებდნენ სამ-სამ ცალ გაზეთს.

საქართველოს სსრ კომუნალური მეურნეობის სახალხო კომისარიატში 1940 წელს გამოწერილ 36 ცალ გაზეთსა და ჟურნალს უფასოდ ურიგებდნენ სახალხო კომისარიატის მუშაკებს.

საქართველოს სსრ საფეიქრო მრეწველობის სახალხო კომისარიატში 1940 წლის განმავლობაში უფასოდ არიგებდნენ 62 ცალ გაზეთს. სახალხო კომისარიატის აბრეშუმის სამმართველოს უფროსი უფასოდ იღებდა 3 ცალ გაზეთს, ხოლო კომისარიატის ფინანსისტი—2 ცალ გაზეთს.

სტალინის სახელობის ორთქლმავალ-ვაგონ-სარემონტო ქარხნის დირექცია 1940 წელს უფასოდ არიგებდა 57 ცალ გაზეთს.

ამ ქარხნის მიღებისა და დათხოვნის განყოფილების უფროსი დი მთავარი ბუხჰალტერი უფასოდ იღებდნენ ოთხ-ოთხ ცალ გაზეთს.

თბილისის მაუდის ფაბრიკის დირექცია უფასოდ ურიგებდა ფაბრიკის მუშაკებს 77 ცალ გაზეთს. ამ ფაბრიკის პირადი შემადგენლობის მაგიდის გამგე საწარმოს ხარჯზე უფასოდ იღებდა 4 ცალ გაზეთს, ტექნიკური ხელმძღვანელი—4 და მთავარი ბუხჰალტერი—4 ცალ გაზეთს.

თბილისის სტალინის სახელობის სახელმწიფო უნივერსიტეტში ფართოდ არის შემოღებული გაზეთების და ჟურნალების გამოწერა უნივერსიტეტის მუშაკებისა და სტუდენტებისათვის უფასოდ დასარიგებლად, პრორექტორი აღმინისტრაციულ-სამეურნეო ნაწილში უფასოდ იღებდა 1940 წელს 6 გაზეთსა და ჟურნალს, მათ შორის ჟურნალ „ოგონიოკს“, ხოლო მთავარი კონტროლიორი—3 გაზეთს. სტუდენტებს უფასოდ ურიგებდნენ 128 ცალ გაზეთს.

მშრომელთა დებუტატების თბილისის საბჭო, მისი განყოფილებები და ტრესტები, მცირე გამონაკლისის გარდა, 1940 წლის განმავლობაში უფასოდ არიგებდნენ 398 სხვადასხვა გაზეთსა და ჟურნალს, ჯანმთელობის დაცვის განყოფილების გამგის მოადგილე 21 ცალ გაზეთსა და ჟურნალს იღებდა.

დარღვევის ანალოგიურ ფაქტებს აღგილი აქვს სხვა შემოწმებულ სახალხო კომისარიატებსა, საწარმოებსა და დაწესებულებებშიც.

საქართველოს სსრ სახალხო კომისართა საბჭო ადგენს:

1. წინადადება მიეცეს საქართველოს სსრ სახალხო კომისარიატებისა, საწარმოებისა და დაწესებულებათა ხელმძღვანელებს დაუყოვნებლივ მოულონ ბოლო მუშებისა და მოსამსახურეებისათვის უფასოდ დასარიგებლად საწარმოებსა და დაწესებულებებისათვის ჟურნალ გაზეთების გამოწერის აკრძალვის თაობაზე სსრ კავშირის სახკომსაბჭოს 1937 წლის 25 დეკემბრის და 1940 წლის 13 დეკემბრის (სსრკ კან. კრ. 1938 წ. № 1, მუხ. 5; დადგ. კრ. 1940 წ. № 32, მუხ. 809) და საქართველოს სსრ სახკომსაბჭოს 1938 წლის 2 იანვრის (საქ. სსრკ კან. კრ. 1938 წ. № 1, მუხ. 5) დადგენილების დარღვევას.

2. დაევალოს აუხაზეთის და აჭარის ასსრ სახალხო კომისართა საბჭოებს, სამხრეთ-ოსეთის ავტონომიური ოლქის აღმასრულებელ კომიტეტს შშრომელთა დეპუტატების რაიონული და საქალაქო საბჭოების აღმასრულებელ კომიტეტებს შეამოწმონ, თუ როგორ სრულდება სსრ კავშირის სახკომსაბჭოს 1937 წლის 25 დეკემბრის, 1940 წლის 13 დეკემბრის და საქართველოს სსრ სახკომსაბჭოს 1938 წლის 2 იანვრის დადგენილებანი მუშებისა და მოსამსახურეებისათვის უფასოდ დასარიგებლად საწარმოებისა და დაწესებულებებისათვის ჟურნალ გაზეთების გამოწერის აკრძალვის შესახებ.

3. დაწესდეს, რომ გაზეთებსა და სპეციალურ ჟურნალებს სახალხო კომისარიატის, დაწესებულებების ან საწარმოს მუშაობის ხასიათის მიხედვით გამოიწერენ დაწესებულებანი და საწარმოები ერთიდან 5 ცალამდე თვითული სახელწოდებისას მხოლოდ საერთო სარგებლობისათვის ისე, რომ შემდეგში ეს ნომრები სავალდებულოდ ინახებოდეს ბიბლიოთეკებში ან არქივებში.

4. აიკრძალოს გაზეთებისა და ჟურნალების გამოწერა საზოგადოებრივი ორგანიზაციებისათვის (პროფკავშირები, თავდაცვა-ავიაქიმი და სხვ.) დაწესებულების ან საწარმოს სახსრების ხარჯზე.

5. წინადადება მიეცეს ორგანიზაციათა, დაწესებულებათა და საწარმოთა ხელმძღვანელებს აღადგინონ 1940 წელს გადარიცხული თანხები, რომლებითაც უნდა გამოეწერათ გაზეთები და ჟურნალები მუშებისა და მოსამსახურეებისათვის უფასოდ დასარიგებლად 1941 წელს.

6. დაევალოს საქართველოს სსრ ფინანსთა სახალხო კომისარიატს, ამ დადგენილების შესაბამისად, შეამციროს სახსრების მიცემა ბიუჯეტით სახალხო კომისარიატებისა და ორგანიზაციებისათვის გაზეთებისა და ჟურნალების გამოსაწერად.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

31. საქართველოს სსრ სახალხო კომისართა საბჭოსთან ნაკრძალების, ზოოპარკებისა და ზოობაღების სამმართველოს მოწყობის შესახებ.

შესაბამისად სსრ კავშირის სახალხო კომისართა საბჭოს 1939 წლის 14 ოქტომბრის დადგენილებისა „მოკავშირე რესპუბლიკების სახალხო კომისართა საბჭოსთან ნაკრძალების, ზოოპარკებისა და ზოობაღების სამმართველოთა შესახებ“, (სსრკ დადგ. კრ. 1939 წ. № 55, მუხ. 530) საქართველოს სსრ სახალხო კომისართა საბჭო ადგენს:

1. მოეწყოს საქართველოს სსრ სახალხო კომისართა საბჭოსთან ნაკრძალების, ზოოპარკებისა და ზოობაღების სამმართველო.

2. დაეკისროს საქართველოს სსრ სახალხო კომისართა საბჭოსთან არსებულ ნაკრძალების, ზოოპარკებისა და ზოობაღების სამმართველოს:

ა) სახელმწიფო ნაკრძალების უშუალო მართვა-გამგებლობა;

ბ) ავტონომიური რესპუბლიკების სახკომსაბჭოების, საოლქო, საქალაქო და სარაიონო აღმასრულებელი კომიტეტების ბიუჯეტზე მყოფი ნაკრძალების, ზოოპარკებისა და ზოობაღების მუშაობის ორგანიზაცია, სამეცნიერო-მეთოდური ხელმძღვანელობა და კონტროლი;

გ) ახალი ნაკრძალების, ზოოპარკებისა და ზოობაღების მოწყობა საქართველოს სსრ სახალხო კომისართა საბჭოს დადგენილებით;

დ) სანადირო-სარეწი ფაუნის აღრიცხვისა და უფრო რაციონალურად გამოყენების მეთოდების შემუშავება;

ე) ზოოპარკებისა და ზოობაღების ქსელის დაგეგმვა, ცხოველთა ეგზემპლარებით მათი მომარაგების მოწესრიგება იმპორტის, დაჭერის, გადაცვლის და სხვა ორგანიზაციებისაგან შესყიდვის, აგრეთვე გარეულ ცხოველთა ეგზემპლარების ექსპორტის გზით.

3. დაევალოს საქართველოს სსრ სახალხო კომისართა საბჭოსთან არსებულ ნაკრძალების, ზოოპარკებისა და ზოობაღების სამმართველოს უფროსს:

ა) საქართველოს სსრ ფინანსთა სახალხო კომისარიატთან (ამხ. ციმაკუ-რიძესთან) ერთად შეიმუშაოს და საქართველოს სსრ სახკომსაბჭოს 5 დღის ვადაში წარმოუდგინოს დასამტკიცებლად ნაკრძალების, ზოოპარკებისა და ზოობაღების სამმართველოს შტატი, სტრუქტურა, ხელფასის ფონდი და ხარჯთაღრიცხვა 1941 წლისათვის;

ბ) ერთი დეკადის ვადაში შეიმუშაოს და საქართველოს სსრ სახალხო კომისართა საბჭოს დასამტკიცებლად წარმოუდგინოს დებულება ნაკრძალების, ზოოპარკებისა და ზოობაღების მთავარ სამმართველოს შესახებ.

4. ლიკვიდირებულ იქნას 1941 წლის 15 იანვრიდან საქართველოს სსრ ნაკრძალთა კომიტეტი, რომლის მთელი საქმეები, ქონება, მოწყობილობა და სახსრები გადაეცეს საქართველოს სსრ სახალხო კომისარიატს საბჭოსთან არსებულ ნაკრძალების, ზოოპარკებისა და ზოობალების სამმართველოს.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. იანვრის 11. № 63.
თბილისი.

32. ამხ. ბ. ჩხეიძის საქართველოს სსრ ფინანსთა სახალხო კომისარიატის მოადგილედ დანიშვნის შესახებ.

საქართველოს სსრ სახალხო კომისარიატს საბჭო ადგენს:

დაინიშნოს ამხ. ბეჟან ალექსანდრეს-ძე ჩხეიძე საქართველოს სსრ ფინანსთა სახალხო კომისარიატის საბიუჯეტო სამმართველოს უფროსად და ფინანსთა სახალხო კომისარიატის მოადგილედ.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. იანვრის 18. № 98.
თბილისი.

33. საქართველოს სსრ განათლების სახალხო კომისარიატის კოლეგიის შემადგენლობის შესახებ.

საქართველოს სსრ სახალხო კომისარიატს საბჭო ადგენს:

1. განთავისუფლებულ იქნან ამხ. რ. ს. შადური და ლ. ს. გეგეშიძე საქართველოს სსრ განათლების სახალხო კომისარიატის კოლეგიის შემადგენლობიდან სხვა სამუშაოზე გადასვლასთან დაკავშირებით.

2. საქართველოს სსრ განათლების სახალხო კომისარიატის კოლეგიის შემადგენლობაში შეყვანილ იქნან ამხ. უ. პ. ობოლაძე და მ. ა. ჩხეტია.

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველი ი. რუხაძე.

1941 წ. იანვრის 25. № 108.
თბილისი.

34. საქართველოს სსრ ადგილობრივი მრეწველობის სახალხო კომისარიატის კოლეგიის შემადგენლობის შესახებ.

საქართველოს სსრ სახალხო კომისარიატის საბჭო ადგენს:

1. განთავისუფლებულ იქნან საქართველოს სსრ ადგილობრივი მრეწველობის სახალხო კომისარიატის კოლეგიის შემადგენლობიდან ამხ. ა. ვ. ბუნნიკაშვილი, ი. დ. ლობიშვილი და მ. გ. ზაცარნი სხვა სამუშაოზე გადასვლის გამო.
2. შეყვანილ იქნან საქართველოს სსრ ადგილობრივი მრეწველობის სახალხო კომისარიატის კოლეგიის შემადგენლობაში ამხ. ა. პ. ხიდაშელი, შ. დ. ვაშაკიძე და გ. ლ. სურგულაძე.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1941 წ. იანვრის 25. № 109.
 თბილისი.

41-24
124

გამომცემელი: საქართველოს სსრ სახალხო კომისარია საბჭო

უნდა ჩაბარდეს პირველ რიგში
ხელწერილის ქვეშ.

მისამართისათვის



ფასი 40 კაპ.